



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
Këshilli Drejtues

V E N D I M

Nr.2634, datë 19.11.2015

Për

Anullimin e vendimeve për caktimin e numrave, serive numerike dhe kodeve, heqjen e të drejtës së ofrimit të shërbimeve të rrjeteve të komunikimeve elektronike si dhe çregjistrimin nga regjistri i sipërmarrësve të sipërmarrësit BITRI sh.p.k.

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj.Anila	Denaj	Anëtar
4. Znj.Ketrin	Topçiu	Anëtar
5. Znj.Klarina	Allushi	Anëtar

dhe sekretare Znj. Marsida Drushku, në mbledhjen e datës 19.11.2015, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, ligjin nr. 8480, datë 27. 5.1999 “Për funksionimin e organeve kolegjiale të administratës shtetërore dhe enteve publike”, dhe Rregullores së Brëndshme të AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

Anullimin e vendimeve për caktimin e numrave, serive numerike dhe kodeve, heqjen e të drejtës së ofrimit të shërbimeve dhe rrjeteve të komunikimeve elektronike si dhe çregjistrimin nga regjistri i sipërmarrësve të sipërmarrësit BITRI sh.p.k.

BAZA LIGJORE:

1. Ligji nr. 8485, datë 12.5.1999 “Kodi i Procedurave Administrative” (ligji nr. 8485), i ndryshuar;
2. Neni 24, pika 3, Neni 30, pika 5, Neni 85, gërma b) dhe Neni 135, pika 2, gërma b) të Ligjit nr. 9918, datë 19.5.2008 “Për Komunikimet Elektronike në Republikën e Shqipërisë” (ligji nr. 9918), i ndryshuar;

3. Rregullore “Për Autorizimin e Përgjithshëm” Nr. 24 datë 02.02.2012 miratuar me Vendim të Këshillit Drejtues të AKEP Nr.1774, datë 02.02.2012, ndryshuar me VKD të AKEP Nr.2429 datë 13.03.2014 dhe VKD Nr.2443 datë 10.04.2014;
4. Rregullore “Për të dhënat Statistike dhe Financiare Periodike të Sipërmarrësve të Rrjeteve dhe/ose Shërbimeve të Komunikimeve Elektronike”, Nr.12, datë 07.04.2010.
5. Neni 29 pika 1/b e “Rregullore për Caktimin dhe Përdorimin e Numrave dhe Serive Numerike dhe Planit Kombëtar të Numeracionit”, miratuar me Vendim të Këshillit Drejtues të AKEP nr. 932 datë 11.08.2009, e ndryshuar;
6. Rregullat për Administrimin e Kodeve të Pikave të sinjalizimit Kombëtare dhe Ndërkombëtare për interkoneksionin e Rrjeteve, miratuar me Vendim të Këshillit Drejtues të AKEP nr. 1257 datë 16.04.2010;
7. Urdhër Nr.1390 Prot., datë 22.01.2015, “Për procedurën e inspektimit në distancë, administrimin e informacionit të përfutur dhe planifikimit të tematikës së inspektimit dhe monitorimit”, është udhëruar kryerja e Inspektimit në distancë për sipërmarrësin e komunikimeve elektronike;
8. Urdhër Nr.1508, datë 26.08.2015 për “Kryerjen e verifikimit për përmbushjen e detyrimeve nga sipërmarrësit”;
9. VENDIM Nr.599, datë 23.7.2010 “Për Miratimin e Pagesave që kryhen në Autoritetin e Komunikimeve Elektronike dhe Postare, për Caktimin dhe Përdorimin e Frekuencave, të Numrave dhe të Serive Numerike” (i ndryshuar me VKM Nr. 911 datë 19.12.2012 dhe VKM Nr. 25 datë 14.01.2015);
10. Rregullore e Brendshme e AKEP, miratuar me Vendimin Nr. 2506, datë 30.10.2014 të Këshillit Drejtues të AKEP.

K Ë SHILLI DREJTUES:

Nga shqyrtimi i materialit shkresor, të përbërë nga:

1. Shkresa me nr. 1445 prot. datë 21.07.2015 me lëndë: Njoftim për shlyerje detyrimi, drejtuar sipërmarrësve që nuk e kishin realizuar një detyrim të tillë dhe shkresa nr 180 prot. datë 26.01.2015 me lëndë: Depozitim të pasqyrave financiare 2014.
2. Korespondenca me email të datës 04.03.2015, me sipërmarrësit që nuk kishin përmbushur detyrimet sipas shkresës të mësipërme.
3. Njoftimi në faqen web të AKEP me datë 04.09.2015 për sipërmarrësit që brënda datës 15.09.2015 duhet të:
 - Dorëzojnë në AKEP Bilancet financiare vjetore për vitin 2015;
 - Të ndërtojnë Faqe web-i nën domain cc.TLD.al, (në se nuk e kanë një të tillë);
4. Relacioni shpjegues mbi Projekt-Vendimin(**Relacion**), si dhe

duke i’u referuar diskutimeve në mbledhje mbi çështjen, bazën ligjore të sipërcituar,

V Ë R E N

1. Me Urdhër Nr. 1390 Prot., datë 22.01.2015, “Për procedurën e inspektimit në distancë, administrimin e informacionit të përftuar dhe planifikimit të tematikës së inspektimit dhe monitorimit”, është udhëruar kryerja e Inspektimit në distancë për sipërmarrësin e komunikimeve elektronike;
2. Me Urdhër Nr.1508, datë 26.08.2015 për “Kryerjen e verifikimit për përmbushjen e detyrimeve nga sipërmarrësit”, është udhëruar verifikimi i përmbushjes së sipërmarrësve lidhur me publikimin e tarifave si dhe kushteve të aksesit e përdorimit, informacionit për cilësinë e ofrimit të shërbimeve, të kushteve të përgjithshme të kontratave tip me pajtimtarin, depozitimin e bilanceve vjetore dhe kryerjen e pagesave për sipërmarrësin e komunikimeve elektronike **BITRI sh.p.k.**, me objekt verifikimin e zbatimit të:

- Kushteve të përcaktuara në Autorizimin e përgjithshëm lidhur me:
 - Bashkëveprimin e shërbimeve dhe interkoneksionin e rrjeteve;
 - Sigurimin e disponueshmërisë dhe përdorimin e numrave nga plani i numeracionit për përdoruesit fundorë;
 - Mbrojtjen e të dhënave vetjake dhe të privatësisë;
 - Mbrojtjen e përdoruesve;
 - Respektimin e rasteve të kufizimeve në lidhje me përmbajtjen e paligjshme ose të dëmshme;
 - Lejimin e përgjimit nga autoritetet kompetente;
 - Ofrimin e rrjeteve të komunikimeve publike në rastet e gjendjes së emergjencës;
 - Detyrimi për të ofruar akses;
 - Mbrojtjen e rrjeteve të komunikimeve publike ndaj aksesit të paautorizuar;
 - Detyrimin për të plotësuar standardet dhe specifikimet teknike të rrjeteve dhe të pajisjeve për ndërtimin e rrjeteve dhe ofrimit të shërbimeve të komunikimeve elektronike si dhe të shërbimeve të faciliteteve shoqëruese;
 - Regjistrimin e pajtimtarëve, ruajtjen dhe administrimin e të dhënave për qëllime të ndjekjes penale, etj;
- Kushteve të përcaktuara në Autorizimin Individual për përdorimin e frekuencave;
- Kushteve të përcaktuara në aktet normative të AKEP lidhur me:
 - Publikimin e informacionit për tarifatat si dhe kushtet e aksesit dhe përdorimit të shërbimeve;
 - Kushteve të përgjithshme të kontratave tip me pajtimtarin.

I. Në zbatim të urdhrat të lartpërmendur, i është përcjellë sipërmarrësit **BITRI sh.p.k.** :

1. Shkresa me nr. 1445 prot. datë 21.07.2015 me lëndë: Njoftim për shlyerje detyrimi shkresa nr 180 prot. datë 26.01.2015 me lëndë: Depozitim të pasqyrave financiare 2014.
2. Korespondenca me email i datës 04.03.2015 për publikimin e informacionit për tarifatat si dhe Kushtet e Aksesit dhe përdorimit të faqes elektronike “web”,

3. Njoftimi në faqen web të AKEP me datë 04.09.2015 për sipërmarrësit që brënda datës 15.09.2015 duhet të:
 - Dorëzojnë në AKEP Bilancet financiare vjetore për vitin 2015;
 - Të ndërtojnë Faqe web-i nën domain cc.TLD.al, (në se nuk e kanë një të tillë).

II. Në përfundim të verifikimit të zbatimit të detyrimeve të sipërmarrësit, dhe duke patur parasysh dokumentacionin e dorëzuar në AKEP në zbatim të rregullores dhe ligjit nr. 9918, i ndryshuar, konstatohet se:

1. Sipërmarrësi **BITRI sh.p.k.**, sipas Autorizimit **Nr. 2012-AP-U219-8-1**, datë 26/04/2012 është regjistruar për të ofruar:

- A. *Rrjete publike të komunikimeve elektronike:*
 - *Rrjete publike tokësore fikse aksesit dhe transmetimi*
- B. *Shërbimeve publike të komunikimeve elektronike:*
 - *Shërbime telefonike / Aksesit në internet etj.*

2. Pas verifikimit, rezulton se, sipërmarrësi **BITRI sh.p.k.:**

1. Nuk ka depozituar në AKEP bilancin vjetor (pasqyrat financiare) të vitit 2014;
2. Nuk ka shlyer detyrimet financiare ndaj AKEP.

Bazuar në:

- Ligjin Nr. 9918, datë 19.05.2008 “Për komunikimet elektronike në Republikën e Shqipërisë”, i ndryshuar,
- VENDIM Nr.599, datë 23.7.2010 “Për Miratimin e Pagesave që kryhen në Autoritetin e Komunikimeve Elektronike dhe Postare, për Caktimin dhe Përdorimin e Frekuencave, të Numrave dhe të Serive Numerike” (i ndryshuar me VKM Nr. 911 datë 19.12.2012 dhe VKM Nr. 25 datë 14.01.2015);
- Rregullore “Për Autorizimin e Përgjithshëm” Nr. 24 datë 02.02.2012 miratuar me Vendim të Këshillit Drejtues të AKEP Nr.1774, datë 02.02.2012, ndryshuar me VKD të AKEP Nr.2429 datë 13.03.2014 dhe VKD Nr.2443 datë 10.04.2014;
- Rregullore “Për të dhënat Statistikore dhe Financiare Periodike të Sipërmarrësve të Rrjeteve dhe/ose Shërbimeve të Komunikimeve Elektronike”, Nr.12, datë 07.04.2010.
- Rregulloren për Caktimin dhe Përdorimin e Numrave dhe Serive Numerike dhe Planit Kombëtar të Numeracionit”, miratuar me Vendim të Këshillit Drejtues të AKEP nr. 932 datë 11.08.2009, e ndryshuar;
- “Rregullat për Administrimin e Kodeve të Pikave të sinjalizimit Kombëtare dhe Ndërkombëtare për interkoneksionin e Rrjeteve”, miratuar me Vendim të Këshillit Drejtues të AKEP nr. 1257 datë 16.04.2010,
- “Rregullore për portabilitetin e Numrit”, miratuar me Vendim të Këshillit Drejtues të AKEP nr. 1219 datë 07.04.2010,
- Rregulloren nr. 27, datë 21.9.2012 “Mbi publikimin e informacionit për tarifatat si dhe kushtet e aksesit dhe përdorimit të shërbimeve”

dhe në zbatim të nenit 135, pika 2, e ligjit nr. 9918, datë 19.5.2008, i ndryshuar, i propozohet Këshillit Drejtues të AKEP, anulimi i vendimeve për caktimin e numrave, serive numerike dhe kodeve, heqjen e të drejtës së ofrimit të shërbimeve dhe të rrjeteve të komunikimeve elektronike si dhe çregjistrimin e sipërmarrësit **BITRI sh.p.k.**, nga regjistri i sipërmarrësve.

PËR KËTO ARSYE:

Bazuar në sa më sipër, dhe në kompetencat që i janë dhënë nga:

1. Ligji Nr.8485 dt 12.05.1999 “Kodi i procedurave administrative në Republikën e Shqipërisë”;
2. Ligji Nr. 9918, datë 19.05.2008, për ”Komunikimet Elektronike në Republikën e Shqipërisë”, i ndryshuar,
3. Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP.

Këshilli Drejtues i AKEP,

V E N D O S:

1. Të miratojë anulimin e vendimeve për caktimin e numrave, serive numerike dhe kodeve për sipërmarrësin **BITRI sh.p.k.**, sipas *Aneksit 1* bashkëlidhur këtij vendimi.
2. Të miratojë heqjen e të drejtës së ofrimit të shërbimeve dhe të rrjeteve të komunikimeve elektronike si dhe çregjistrimin nga regjistri i sipërmarrësve të sipërmarrësit **BITRI sh.p.k.**
3. Të njoftohet sipërmarrësi **BITRI sh.p.k.**, për zbatimin e këtij Vendimi;
4. Kundër këtij vendimi mund të bëhet ankim në Gjykatën e Tiranës, brenda 30 ditëve nga marrja e këtij vendimi.
5. Ky vendim të publikohet në faqen e internetit të AKEP: www.akep.al.
6. Efektet e këtij vendimi fillojnë 60 ditë pas njoftimit të këtij Vendimi Sipërmarrësit **BITRI sh.p.k.**

Ky Vendim hyn në fuqi në datën e miratimit të tij.

K R Y E T A R

Piro XHIXHO

ANËTARËT E KËSHILLIT DREJTUES:

1. **Alban KARAPICI** _____
2. **Anila DENAJ** _____
3. **Ketrin TOPÇIU** _____
4. **Klarina ALLUSHI** _____

Aneksi 1

Anullim i Numeracionit të caktuar për sipërmarrësin BITRI sh.p.k.

- Seritë Numerike:

RAJONI IX

- Rrethi : Berat

Nr.	Bashkia	NDC	Diapazoni i SN		Kapaciteti i alokuar i SN	Konfigurimi i NSN (NDC+SN) *
			Fillim	Mbarim		
1	Berat	362	20,000	20,999	1000	XXX YYYYYY
2	Velabisht	32	600,000	600,999	1000	XX YYYYYYY
3	Berat	32	601,000	601,999	1000	XX YYYYYYY

- Kodin e pikës kombëtare të sinjalizimit (NSPC): **D 1983**
- Kodi i rrugëzimit për portabilitetin e numrit: **9934**